

國立成功大學台灣語文測驗中心獎勵師生從事台灣語文教學 kap 研究實施辦法(台文版)

2022 年 4 月 22 日獎勵金審議會議通過

2022 年 5 月 13 日獎勵金審議會議修正通過

2023 年 9 月 22 日獎勵金審議會議修正通過

2024 年 4 月 19 日獎勵金審議會議修正草案

一、國立成功大學台灣語文測驗中心 ūi-tiōh 推廣台灣語文教學 kap 研究，紀念蔣發太先生、陳信從老師、詹文聲教授、林茂生教授、王育霖詩人檢察官、王育德教授、鄭良偉教授、巴克禮牧師、鄭兒玉牧師等人對台灣語文教育 ê 貢獻，特別訂 chit-ê 辦法。

二、獎金來源：台灣語文獎勵金來源是 ùi 美國詹文聲教授家屬、世界台灣文化論壇、美國台僑莊承業、美國二二八慘案教育基金會、蔣發太孫玉枝台語文教育基金會、陳信從老師家屬、台灣羅馬字協會 hām 國內外熱心台灣語文無落名 ê 有志捐款。

三、獎勵對象：國立成功大學現職教師（含兼任教師）、大學生、碩士生、博士生 kap 在職碩專班學生。

四、獎勵範圍：

以台灣語文（指台語、台灣客語 kap 台灣原住民族語）做主體 ê 教學 kap 研究。Nā 有講無詳細 ê 部分，由主辦單位解釋。

五、申請期程 kap 評選標準：

以學年做單位，tāk 冬歇熱期間提出申請，具體申請日期由主辦單位公告。評選標準細節由主辦單位另外制定公告。Nā 申請者無達到 siōng kē 錄取標準，主辦單位 ē-tàng 以無夠額錄取 tiōh 獎名單。

六、獎學金 kap 師生獎勵金核發標準：

林茂生教授台語教學優良獎：

Tāk 冬 siōng chē 六人，每一個人獎勵金新台幣一萬 kho 整。獎勵對象是國立成功大學現職專、兼任教師。Ē-tàng ka-tī 申請 iáh-sī 由成大師生推薦。Nā chē 人合開 ê 課程以 1 ê 人做代表申請。課程 tiōh-ài 以台語授課 iā 是以台語做教學主題，每學年至少開設一門課 chiah ē-tàng 申請。

蔣發太先生台語師培養英獎：

Tāk 冬 siōng chē 六人，每一個人獎學金新台幣二萬 kho 整。獎勵對象是國立成功大學 ê 台語師培生（含大學部 kap 研究所）。以申請日期前一年度 ê 台語師培課程成績（含專門課程 kap 教育專業課程）總平均前六位分數 koân ê 人 tiōh 賞。Nā 分數 sio-kāng，會以台語專門課程成績決定 koân-kē。

蔣發太先生台語文傳承獎：

Tāk 冬 siōng chē 六人，每一個人獎學金新台幣五千 kho 整。獎勵對象是 bat 修過台灣文學系開設台灣語文相關課程 ê 國立成功大學本國籍學生（含大學部 kap 研究所）。以申請日期前一年度 ê 台灣語文課程成績總平均前六位分數 koân ê 人 tiōh 賞。Nā 分數 sio-kāng，會以台語專門課程成績決定 koân-kē。

陳信從老師玉蘭樹獎：

Tāk 冬 siōng chē 六人，每一個人獎學金新台幣一萬 kho 整。獎勵對象是身心障礙人士 iā 是低收入戶(照戶籍地所在縣市政府認定標準)，koh ài bat 修過台灣文學系開設台灣語文相關課程 ê 國立成功大學本國籍學生（含大學部 kap 研究所）。以申請日期前一年度 ê 台灣語文課程

成績總平均前六位分數 koân ê 人 tiòh 賞。Nā 分數 sio-kāng，會以台語專門課程成績決定 koân-kē。

詹文聲教授外籍生台語文獎學金：

Ták 冬 siōng chē 六人，每一個人獎學金新台幣五千 kho 整。獎勵對象是 bat 修過台灣文學系開設台灣語文相關課程 ê 國立成功大學外國籍學生（含大學部 kap 研究所）。以申請日期前一年度 ê 台灣語文課程成績總平均前六位分數 koân ê 人 tiòh 賞。Nā 分數 sio-kāng，獎學金大家 pun-pheⁿ。

王育霖詩人檢察官獎：

Ták 冬 siōng chē 六人，每一個人獎學金新台幣五千 kho 整。獎勵對象是 bat 修過台灣文學系開設台語詩相關課程 ê 國立成功大學學生（含大學部 kap 研究所）。以申請日期前一年度 ê 台灣語文課程成績總平均前六位分數 koân ê 人 tiòh 賞。Nā 分數 sio-kāng，獎學金大家 pun-pheⁿ。

王育德教授台語文研究獎：

Ták 冬 siōng chē 一人，每一個人獎學金新台幣五萬 kho 整。獎勵對象是以台灣語文做碩士論文研究主題，論文 koh 以台語文書寫 ê 國立成功大學台灣文學系碩士生（含在職專班）。申請資格 tiòh-ài 已經通過碩論初試者。獎金分別 tī tiòh 賞 kap 論文完成 ê 時，各提供百分之五十。

鄭良偉教授台語文研究獎：

Ták 冬 siōng chē 一人，每一個人獎學金新台幣八萬 kho 整。獎勵對象是以台灣語文為博士論文研究主題，論文 koh 以台語文書寫 ê 國立成功大學台灣文學系博士生。申請資格 tiòh-ài 已經通過博論初試者。獎金分別 tī tiòh 賞 kap 論文完成 ê 時，各提供百分之五十。

巴克禮牧師台語文國際化貢獻獎：

Ták 冬 siōng chē 一人，每一個人獎學金新台幣八萬 kho 整。獎勵對象是以台灣語文做博／碩士論文研究主題，論文 koh 以台語文 iā 是英文書寫 ê 國立成功大學台灣文學系外籍研究生。申請資格 tiòh-ài 已經通過博／碩論初試者。獎金分別 tī tiòh 賞 kap 論文完成 ê 時，各提供百分之五十。

鄭兒玉牧師白話字貢獻獎：

Ták 冬 siōng chē 一人，每一個人獎學金新台幣八萬 kho 整。獎勵對象是博／碩士論文（無限定研究主題）以台語白話字書寫（全羅）ê 國立成功大學研究生（含在職專班，無分國籍）。申請資格 tiòh-ài 已經通過博／碩論初試者。獎金分別 tī tiòh 賞 kap 論文完成 ê 時，各提供百分之五十。

七、頂 koân 所講 tiòh ê 台語論文書寫 lóng 必須 ài 用全羅 iā 是漢羅書寫，羅馬字部分必須使用傳統白話字。

八、頂 koân 第六條各獎項 siōng koân 名額在經費足夠及被獎勵者符合優秀標準之前提下，可由審議會議適當增加名額。Tit-tiòh 論文獎助 ê 學生 ài tī 論文適當 ê 所在表明該研究是由國立成功大學台灣語文測驗中心獎助完成，koh 提供一份論文紙本 kap 電子檔 hō 主辦單位留存，nā 無，主辦單位有權取消 tiòh 獎資格。

九、本要點經台灣語文測驗中心台灣語文獎勵金審議會議通過了實施，修正時 mā kāng-khoán。